

ԿԱՆՈՆ ՆՇԱՆ ՕՐՀՆԵԼՈՒ

Մատանիները ափսեի մը վրայ կը դնեն, իսկ խօսեցեալները կը կանգնին իրարու դիմաց:

Կ'օրնենք մեր Տէրը՝ Յիսուս Քրիստոս. ամէն:

Հայր մեր երկնաւոր, սրբաբանուի՛ անունդ: Թող գա՛յ արքայութիւնդ: Թող կատարուի՛ քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօ՛ր եւս մեզի տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք կը գործեն: Եւ թոյլ մի՛ տար որ փորձութեան մէջ իյնանք, այլ մեզ Չարէն ազատէ: Որովհետեւ քո՛ւկդ եմ միշտ՝ արքայութիւնը, գորութիւնը եւ փառքը. ամէն:

Սարկաւազը կը ձայնէ.

Տիրոջմէ՛ խաղաղութիւն աղերսենք դարձեալ: Ընդունէ՛ մեր խնդրանքը, փրկէ՛ մեզ եւ ողորմէ՛ մեզի:

Քահանան կ'ըսէ.

Օրհնութիւն եւ փառք տանք Հօրը, Որդիին եւ Սուրբ Հոգիին, այժմ եւ միշտ եւ յաիտեանս յաիտենից. ամէն:

Ապա կ'երգեն.

ԽԱԶԻ ՇԱՐԱԿԱՆ ԱԿ.

Նըշանաւ ամենայաղթ խաչիրդ քո քրիստոս պահպանեա զմեզ մարդասէր յաներեւոյթ թըշնամոյն. զի դու միայն եւ թագաւոր փառաց օրհնեալ յաիտեա՛ն:

Քու ամենայաղթ խաչիդ նշանով մեզ պահպանէ՛ աներեւոյթ թշնամիէն, ո՛վ մարդասէր Քրիստոս, որովհետեւ միակ թագաւորն եւ դուն՝ յաւէտ օրնեալ, որուն կը պատկանի փառքը:

ԱՂՕԹՔ

Օրհնեալ ես, Տէր Աստուած, բոլոր արարածներու արարիչ: Դո՛ւն ես միակ բարերարը եւ կարողը: Դուն՝ քու հրամանովդ ստեղծեցիր բոլոր արարածները. երկինքն ու երկիրը եւ ինչ որ կայ անոնց մէջ: Գետնէն հող առիր եւ աստուածային քու Աջովդ մարդը ստեղծեցիր, եւ զայն քեզի կերպարանակից ընելով՝ տէր եւ իշխան կարգեցիր երկրաւոր բոլոր արարածներուն վրայ: Ապա տեսնելով անոր միեակունթիւնը, ըսիր. «Լաւ է որ մարդը միեակ ըլլայ. իրեն նման օգնական մը տանք իրեն»: Եւ մարդուն վրայ թմբութիւն եւ քուն բերելով, անոր մէկը առիր եւ անկէ կիներ շինեցիր ու մարդուն տուիր որպէս խօսակից եւ կենակից՝ որդեծնութեան միաւորութեան համար:

Արդ, կ'աղաչենք քեզի, ո՛վ Տէր, արարչական խնամքիդ իբրեւ արտայայտութիւն՝ օրհնէ՛ խօսեցեալ այս ծառադ եւ աղախինդ եւ օրհնէ՛ իրենց մատանիները, որոնք իրենց յօժարակամ սիրոյն խորհրդանիշներն են: Չանոնք պահէ խաղաղ եւ սիրով միացած՝ քու սուրբ երկխոյզովդ, եւ արժանի ըրէ սուրբ ամուսնութեան ցանկալի սուրբ պսակին հասնելու: Առաջնորդէ՛ զիրենք, որ առաքինի կենցաղով եւ բարի գործերով՝ երջանիկ կեանքի հասնին: Եւ սուրբ խաչին գորութեամբ անբացնելով՝ ազատէ՛ զիրենք աշխարհի բոլոր փորձանքներէն եւ սատանային որոգայթներէն. որովհետեւ ողորմած եւ մարդասէր ես, եւ

քեզի՛ կը վայելեն փառքը, իշխանութիւնն ու պատիւը, այժմ եւ միշտ եւ յաիտեանս յաիտենից. ամէն:

Աղօթքն ետք Փեսացուն Հարսնցուին մատանին կ'անցընէ անոր աջ մատնեմատին, նոյնպէս Հարսնցուն Փեսացուին մատանին կ'անցընէ ասոր աջ մատնեմատին:

Այս հանգրուանին, Քահանան կամ մախագահող Եկեղեցականը խրատական քանի մը խօսք կ'ընէ, այժմէն յիշեցնելով՝ ամուսնական կեանքի մէջ իրենց փոխադարձ պատասխանատուութիւնն ու պարտաւորութիւնները:

Խօսքի աւարտին Սարկաւազը կը ձայնէ.

ՔԱՐՈՉ

Սուրբ խաչին ապաիւնելով աղաչենք, որ Տէրը անով ազատէ մեզ մեր մեղքերէն եւ իր ողորմութեամբը փրկէ: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

ԱՂՕԹՔ

Քրիստոս, մեր Աստուածը, որ քեզի հաւատացողներուն պահապանն ես եւ յոյսը, սուրբ եւ պատուական Խաչիդ հովանիին տակ խաղաղութեան մէջ պահէ ու պահպանէ եւ օրհնէ՛ նորոգ նշանուած այս գոյգը, անոնց ծնողներն ու պարագաները եւ ներկայ հաւատացեալ ժողովուրդը: Փրկէ՛ երեւելի եւ աներեւոյթ թշնամիներէն, եւ արժանի ըրէ՛ գոհութեամբ փառատրելու քեզ, Հօրը եւ Սուրբ Հոգիին հետ միասին, այժմ եւ միշտ եւ յաիտեանս յաիտենից. ամէն:

Ապա Տէրունական աղօթքը կ'ըսէ.

Կ'օրնենք մեր Տէրը՝ Յիսուս Քրիստոս. ամէն:

Հայր մեր երկնաւոր, սրբաբանուի՛ անունդ: Թող գա՛յ արքայութիւնդ: Թող կատարուի՛ քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօ՛ր եւս մեզի տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք կը գործեն: Եւ թոյլ մի՛ տար որ փորձութեան մէջ իյնանք, այլ մեզ Չարէն ազատէ: Ռոյվիտեալ քո՛ւկդ են միշտ՝ արքայութիւնը, զօրութիւնը եւ փառքը. ամէն:

† † †